

Mientras futuro di CITGO a bira titular internacional ayera

Responsabilidad financiero CITGO na discusion

*Sumanan enorme diariamente den operacion na Aruba

*Cobransa di placa y pagonan na Aruba discutibel

ORANJESTAD(AAN)-- Un di e noticianan internacional mas importante den mundo di negoshi tabata basa riba e desaroyonan rond CITGO a base di e gobernacion actual na Aruba. E confusion grandi cu DIARIO a pronostica tabata titular di entre otro Bloomberg cu renombre internacional. Mientras Merca a menasa cu e ta stop di entrega petroleo dor di Venezuela na mercado Venezolano, Nicolas Maduro a bisa cu e lo sigui entrega petroleo na Merca. E reaccion di Maduro cu a causa asombro, no ta nada compara cu asunto cu mester haya solucion awor. Diariamente e acuerdo cu Gobierno Mike Eman II a firma cu Nicolas Maduro, ta pone hopi placa den circulacion na Aruba na interes di CITGO, manera na varios ocasion DIARIO a trece dilanti. DIARIO a adverti tambe pa e riesgonan cu esaki ta contene y cu ta parti di e reserva grandi cu mundo tabata tin cu

e proyecto CITGO na Aruba. Tur dia tin benta di producto di CITGO na Aruba pa mercado local pero tambe na companianan di aviacion cu ta encarga cu transportacion di turistanan. Ta trata aki di sumanan importante riba cual personanan cu e companianan di estado di Venezuela, directamente mara na Nicolas Maduro ta dicidi. E pregunta grandi ta, si nan por sigui realisa tramitenan financiero of por papia pa CITGO despues di e situacion nobo cu a surgi. CITGO pa medio di PDVSA ta un compania di estado Venezolano. E ta conoci na mundo como e "baca di lechi" di Venezuela, cu lo tabata uza fondonan cu e compania ta genera. Nicolas Maduro por sigui haci esaki? Bloomberg ta un instancia cu a papia di e confusion cu tin pero cu ta grandi na Aruba, cu tin e refineria di CITGO pafu di Merca. E acuerdo cu gobierno anterior a firma a

haci posibel pa prome cu e refineria a cuminsa funciona, CITGO (Venezuela) por a traha placa. DIARIO a bay trata na averigua kico mester sosode y kico ta e prome medida cu Aruba mester tuma den e caso aki. Den El Universal e economista Francisco Rodriguez di e compania Torina Capital, ta trece dilanti cu Gobierno di Nicolas Maduro a perde posesion di CITGO na Merca y como tal no por atende cu cobranza den benta di petroleo na Merca. For di momento cu Merca a acepta Juan Guaido como presidente, e mester entrega e documentacion necesario pa e compania sigui funciona. Informacionnan cu DIARIO a ricibi a base di e situacion nobo na Venezuela a confirma loke mundo a yama e riesgonan di CITGO cu no tabata bon delinea den e acuerdo cu a alcanza cu Venezuela cu ya tabata conoce e riesgonan es-

tatal.

Na e momentonan aki, teniendo cuenta cu Reino Hulandes no ta reconoce Maduro, medidanan special mester ser tuma pa dicidi ken ta atende cu e placa di CITGO cu ta circula na Aruba pero tambe ken lo haci su mes responsabel pa daño cu Aruba por sufri y pagonan cu mester haci. E acuerdonan ta mishi cu asuntonan comercial pero tambe cu entre otro asuntonan

di personal y mester dicidi ken por tuma decision for di e momento aki.

Un situacion hopi serio a desaroya na Aruba cu presencia di CITGO Aruba cu ta funciona a base di un acuerdo cu un gobierno cu Aruba como parti di Reino awor no ta reconoce. DIARIO lo bolbe riba e parti aki mientras CITGO ta motibo di hopi atencion den noticia internacional.

Acuerdo di CITGO a bira un crucigrama pa Reino

GUAIDO kier cambio maneho CITGO

Rusia tabata tin derecho prome cu Aruba a firma

ORANJESTAD(AAN)--Na e momento cu Reino Hulandes bisa cu e ta reconoce Guaido como Presidente di Venezuela, e lo mester bay di acuerdo cu tur decision cu Guaido tuma. Uno di e acuerdonan mas importante den tal situacion lo ta, cu Guaido mester dicidi na e momento kende ta encabesa CITGO. E acuerdo cu gobierno anterior di Aruba a firma cu CITGO, manera DIARIO a splica na tanto ocasion, ta mas cu un problema grandi pa Reino cu a laga e decision di acuerdo di CITGO na e Gabinete Mike Eman II. Awor Reino den union directo cu Gabinete Wever-Croes mester busca un forma pa sali for di e crucigrama.

Na e momento aki no por bisa ken mester dicidi riba CITGO. DIARIO a sigui tur informacion den e materia cu a bira un asunto diplomatico sumamente complica y hasta por stroba Reino di bisa si e ta acepta Guaido como dirigente di e pais. Acepta y no acepta un persona como lider di un pais tin resultadonan directo y serio. Na e momentonan aki, Reino a bisa cu e no ta acepta Nicolas Maduro como Presidente di Venezuela.

Esaki ta implica cu e no ta acepta decisionnan di Maduro pa CITGO, cu Guaido kier reorganisa.

Si Reino bisa cu e ta cu Guaido, e mester bay di acuerdo pa cambio den e maneho cu Guaido a anuncia.

Segun un publicacion di S&P Global Platts, cualkier momento Guaido por anuncia cambio den gerencia di CITGO y tambe lo reduci presion politico riba e compania.

Guaido tin plannan grandi pa e sector di petroleo y otro productonan di mineria na Venezuela cu segun e loke a ser publica hasta lo encera cu lo bin un compania estatal nobo pa atende cu e asuntonan cu actualmente ta na encargo di PDVSA.

E problema di CITGO pa Aruba y Reino Hulandes cu ta responsabel pa e discusion diplomatico, ta mas grandi cu di cualkier otro pais.

Na momento cu Gobierno Mike Eman II a firma cu Nicolas Maduro, Rusia tabata tin e borg di 49.9 porciento di propiedad di CITGO di Venezuela. E compania Mericano cu a haya derecho di confisca e resto di CITGO, tabata sa cu e compromiso cu Aruba tabata existi y sa cu si e ta un di e propietarios onan e por haya su mes den problema.

Kico lo bay pasa, ta depende di loke pasa na Venezuela.

DIARIO a anuncia for di Augustus cu Aruba a ser hinca den un aventura di PDVSA. Na e momentonan aki e ta papia di un aventura mas.

Manera DIARIO a spierta, Aruba a bira parti directo di un conflicto internacional serio. Pa Reino el a bira motibo di ta sumamente cauteloso ora ta bay atende cu Venezuela. E la bira segun informantenan clase un crucigrama cu ta pone Reino y Aruba den un posicion hopi fragil riba tereno legal.